

Disposición derradeira

Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 30 de xaneiro de 2009.

María José Caride Estevez
Conselleira de Política Territorial, Obras Públicas
e Transportes

*ANEXO I***Relación de instalacións portuarias ás que lles resultan de aplicación as axudas dest resolución**

*Provincia da Coruña:

O Barqueiro (Mañón), Bares (Mañón), Espasante (Ortigueira), Santa Marta de Ortigueira, Cariño, Cedeira, Sada-Fontán, Lorbé (Oleiros), Mera (Oleiros), Santa Cruz (Oleiros), San Pedro de Visma (A Coruña), Suevos (Arteixo), Caión (Laracha), Razo (Carballo), Malpica, Barizo (Malpica), Santa Mariña (Ponteceso), Corme (Ponteceso), Laxe, Camelle (Camariñas), Arou (Camariñas), Santa Mariña (Camariñas), Camariñas, Muxía, Fisterra, Quenxe (Corcubión), Corcubión, Cee, Brens (Cee), O Ézaro (Dumbría), O Pindo (Carnota), Portocubelo (Carnota), Muros, Os Muiños (Muros), Esteiro (Muros), O Freixo (Outes), A Barquiña (Outes), O Conchido (Outes), A Barquiña (Noia), Noia, Testal (Noia), Boa (Porto do Son), Portosín (Porto do Son), Porto do Son, Corrubedo (Ribeira), Aguiño (Riveira), Castiñeiras (Ribeira), Ameixida (Ribeira), Santa Uxía de Ribeira, Insuela (Ribeira), Palmeira (Ribeira), A Pobra do Caramiñal, Escarabote (Boiro), Cabo de Cruz (Boiro), Ancados (Boiro), Bodión (Boiro), O Porto-Targaña (Rianxo), Rianxo, Rañó (Rianxo)

*Provincia de Lugo:

Ribadeo, Rinlo (Ribadeo), Foz, Nois (Foz), Burela, San Cibrao (Cervo), Morás (Xove), Portocelo (Xove), Celeiro (Viveiro), Viveiro, O Vicedo

*Provincia de Pontevedra:

Pontecesures, Carril (Vilagarcía), Vilaxoán (Vilagarcía), As Sinas (Vilanova de Arousa), Vilanova de Arousa, San Miguel de Deiro (Vilanova de Arousa), Cabodeiro (A Illa de Arousa), O Xufre (A Illa de Arousa), O Campo (A Illa de Arousa), Tragrove (Cambados), San Tomé (Cambados), A Toxa (O Grove), O Grove, Meloxo (O Grove), Pedras Negras (O Grove), Portonovo (Sanxenxo), Sanxenxo, Raxó (Poio), O Covelo (Poio), Combarro (Poio), Campelo (Poio), Pontevedra, Agnete (Marín), Bueu, Beluso (Bueu), Aldán (Cangas), Cangas, Moaña, Meira (Moaña), Domaio (Moaña), Santo Adrián (Vilaboa), Gundixe-Santa Cristina de Cobres (Vilaboa), Arcade (Soutomaior), Cesantes (Redondela), Canido (Vigo), Panxón (Nigrán), Santa Marta (Baiona), Baiona, Santa María de Oia (Oia), A Guarda, A Pasaxe (A Guarda), Goián (Tomiño), Tui.

Orde do 2 de febreiro de 2009 pola que se desenvolven as medidas urxentes previstas no Decreto 13/2009, do 29 de xaneiro, para a reparación dos danos que, causados polo temporal acaecido en Galicia os días 23 e 24 de xaneiro, afectasen a rede de estradas locais e os seus elementos funcionais e auxiliares de titularidade pública.

O Consello da Xunta de Galicia na súa reunión do 29 de xaneiro, aprobou o Decreto 13/2009, do 29 de xaneiro (*Diario Oficial de Galicia* nº 21, do 30 de xaneiro) por medio do cal se adoptaron diversas medidas de carácter extraordinario para paliar os danos causados polo fenómeno meteorolóxico adverso, coñecido como cicloxénese explosiva, e que afectou Galicia os días 23 e 24 de xaneiro.

Entre tales medidas, adoptadas en aplicación do principio de solidariedade e en coherencia coas dispostas en situacións similares precedentes, figuran as previstas no artigo 10º do referido decreto e destinadas a facer fronte aos danos provocados ás infraestruturas locais.

Por outra parte, o artigo 12º e a disposición derradeira 1ª da antedita norma, respectivamente, dispoñen que as citadas medidas se financiarán con cargo aos orzamentos das respectivas consellerías afectadas e que as persoas titulares dos departamentos autonómicos quedan facultadas para ditaren, no ámbito das súas competencias, as disposicións necesarias para o seu desenvolvemento.

Consecuentemente co exposto, esta orde ten como obxectivo desenvolver o citado Decreto 13/2009, e determinar as concretas actuacións que esta Consellería de Política Territorial, Obras Públicas e Transportes, dentro do ámbito das súas competencias, poñerá en marcha para paliar os danos derivados do temporal que sufriu Galicia o 23 e 24 de xaneiro de 2009.

Xa que logo, e no uso das facultades que me confire a Lei 1/1983, do 22 de febreiro, reguladora da Xunta e da súa Presidencia,

DISPOÑO:*Artigo 1º.-Obxecto e ámbito de aplicación.*

1. Esta orde ten por obxecto o desenvolvemento das medidas urxentes, previstas no Decreto 13/2009, do 29 de xaneiro, para a reparación dos danos que, causados polo temporal que padeceu Galicia os días 23 e 24 de xaneiro de 2009, afectasen a rede de estradas locais e os seus elementos funcionais e auxiliares de titularidade pública.

2. As medidas previstas nesta orde serán de aplicación para a reparación dos danos que, incluídos no seu obxecto, se producisen nos ámbitos territoriais dos diferentes concellos de Galicia.

Artigo 2º.-*Actuación directa sobre os bens afectados.*

De acordo co previsto no artigo 10º do Decreto 13/2009, a Consellería de Política Territorial, Obras Públicas e Transportes poderá actuar directamente sobre os bens afectados e reparar os danos incluídos no obxecto desta orde, utilizando os seus propios medios ou acudindo á contratación administrativa.

No suposto de que a execución dos traballos de reparación se fagan mediante contrato administrativo, resultará de aplicación o réxime previsto no artigo 4º do antedito Decreto 13/2009.

Artigo 3º.-*Requisitos, documentación e prazo.*

1. Para que poidan ser obxecto de reparación ao abeiro do previsto nesta orde será necesario que os danos na respectiva rede de estradas local e nos seus elementos funcionais e auxiliares de titularidade pública, sexan dunha contía igual ou superior a quince mil (15.000) euros, IVE excluído, por concello solicitante, debendo a alcaldía-presidencia achegar, xunto coa súa solicitude de reparación, un certificado emitido por quen desempeñe as funcións inherentes á secretaría xeral do Concello, no cal conste o contido do informe emitido por técnico competente e no cal se detallarán os danos e o orzamento das súas reparacións.

Xunto con documentación prevista no parágrafo anterior, tamén se achegará o compromiso municipal de poñer á disposición da Consellería de Política Territorial, Obras Públicas e Transportes os terreos necesarios, os permisos e autorizacións pertinentes para a execución das obras de reparación, así como a obriga de asumir, unha vez recibidas as obras e logo da comunicación desta consellería, a súa explotación, mantemento e conservación.

2. Os concellos interesados en beneficiarse das medidas previstas nesta orde dispoñen dun prazo dun mes, contando desde o día seguinte ao de publicación desta orde no *Diario Oficial de Galicia*, para formularen as súas solicitudes.

Artigo 4º.-*Créditos orzamentarios.*

As actuacións realizadas ao abeiro do previsto nesta orde financiaranse con cargo ás seguintes aplicacións orzamentarias:

<u>Aplicación orzamentaria</u>	<u>Contía</u>
08.03.512B.610.0	3.000.000 €
08.04.512A.608.0	500.000 €

Disposición derradeira

Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 2 de febreiro de 2009.

María José Caride Estévez
Conselleira de Política Territorial, Obras Públicas e Transportes

CONSELLERÍA DE EDUCACIÓN E ORDENACIÓN UNIVERSITARIA

Corrección de erros.-Orde do 12 de xaneiro de 2009 pola que se convocan, en colaboración coa Secretaría Xeral de Política Lingüística, cursos preparatorios ás probas para acadar os certificados de lingua galega, Celga, que se realizarán nas escolas oficiais de idiomas de Galicia no ano 2009.

Advertidos erros na devandita orde, publicada no DOG nº 15, do xoves 22 de xaneiro de 2009, é necesario efectuar as seguintes correccións:

-Na páxina 1.533, artigo 1º, parágrafo primeiro, liña terceira e cuarta, onde di: «nos niveis 1, 2 e 3», debe dicir: «nos niveis 1, 2, 3 e 4».

-Na páxina 1.535, no anexo II (Relación de cursos Celga ofertados), onde di:

EOI Vigo

Nivel	Quenda	Horarios		Días
		Mañá	Tarde	
Celga 1	Outubro 2009		17.30 a 19.30	Luns e mércores

debe dicir:

EOI Vigo

Nivel	Quenda	Horarios		Días
		Mañá	Tarde	
Celga 4	Febreiro 2009		19.30 a 21.30	Luns e mércores
Celga 1	Febreiro 2009		17.30 a 19.30	Luns e mércores
Celga 1	Outubro 2009		17.30 a 19.30	Luns e mércores

Orde do 14 de xaneiro de 2009 pola que se autoriza o cambio de denominación do centro público de educación e promoción de adultos de Pontevedra (Pontevedra).

Tendo en conta o disposto no artigo 3 punto 1º do anexo do Decreto 324/1996, do 26 de xullo, polo que se aproba o Regulamento orgánico dos institutos de educación secundaria, así como os correspondentes informes, por proposta da Dirección Xeral de Ordenación e Innovación Educativa, esta consellería

DISPÓN:

Autorizar o cambio de denominación do centro público de educación e promoción de adultos de Pontevedra que no anexo se relaciona.

Santiago de Compostela, 14 de xaneiro de 2009.

Laura Sánchez Piñón
Conselleira de Educación e Ordenación
Universitaria

ANEXO

Provincia: Pontevedra.
Concello: Pontevedra.